

2020-imut siumoortumik nalunaarsuineq

2020-imut skattekortimik eqqortumik pissaguit, piffissanngorpoq siumoortumik nalunaarsuinerimik allattuiffissamik immersuinissannut.

Akileraaruseriffiup 2018-imut aamma 2019-imut paasissutissat nalunaarsorneqarsimasut tunngavigalugit siumoortumik nalunaarsuineq ingerlatissavaa.

Paasissutissani naqinneqareersuni taakkunani eqqunngitsoqarpat imaluunniit paasissutissat amigaaqarpat siumoortumik nalunaarsuiffik paasissutissanik eqqortunik immersugaq Akileraartarnermut Aqutsisoqarfimmut nassiutissavattaq.

2020-imut siumoortumik nammineerlutit nalunaarsuiniaruit allattuiffissatut immersugassamik ukunani aallersinnaavutit:

- Akileraartarnermut Aqutsisoqarfimmut
- Kommuniq allaffianut imaluunniit nunaqarfinni allaffimmut
- Nittartagaq www.aka.gl
- Nittartagaq www.sullissivik.gl

Siumoortumik nalunaarsuiffik piaartumik kingusinnerpaamillu 15. november 2019 Akileraartarnermut Aqutsisoqarfimmut nassiunneqassaaq.

Inuit 2020-imut siumoortumik nalunaarsuiffimmik tunniussisussat makkuugajupput:

- Aningaasarsiat B-t akileraarutitaqanngitsut sinnerlugit B-nik aningaasarsiaqartut, imaluunniit
- Ilanngaata aalajangersimasoq sinnerlugu annertussusilinnik ilanngaatigineqarsinnaasunik ilanngaataisaqartut
- Namminersorlutik inuussutissarsiateqartut, akileraarutit B-nik naatsorsuiffigineqartussat imaluunniit tunisinermi allagartaliuuneqartussat

Aappariinnut katissimasunut malugeqquneqarpoq aappariinnik ataatsimut akileraarusiisarneq atorunnaarnikuummat. Tamanna isumaqarpoq aappariit katissimasut tamarmik immikkut siumoortumik nalunaarsuiffimmik immersuissammata.

2018-imut akileraarutissat sinnerinut akiligassat siumoortumik nalunaarsuinerimut ilanngunneqarneri

2018-imut inaarummik naatsorsuut malillugu akileraarutissat sinnerinut akiligassaqaaleruit, Akileraartarnermut Aqutsisoqarfiup akiligassatit, tapiliussassaq 6 % ilanngullugu, 18.000 koruunit sinnersimangippagit, taava akiligassat siumoortumik nalunaarsortinninni ilanngullugit naatsorsuutigiumaarpai.

Tamanna isumaqarpoq 2018-imut akileraarutissat sinnerinut akiligassatit (annerpaamik 18.000 koruunit) tunngaviusumik 2020-mut akileraartarnermut ilanngaataissannit ilanngaatigineqarumaartut.

Akileraarutit sinnerinut akiligassanut tapiliussa 6 %-iusoq sipaaruskukku, periarfissaqarputit nammineq kajumissutsinnik kingusinnerpaamik 20. november 2019-mi akiluteqarnissannut (§5 naapertorlugu akiluteqarnissannut).

Malugiuk akiliineq naammassisimassaaq kingusinnerpaamik ulloq 20. november 2019, uppersarsineqarsinnaassallunilu arlaatigut apeqquserneqassagaluarpat.

Akiliuteqarneq pissaaq Akileraartarnermut Aqutsisoqarfiup Grønlandsbanken A/S-mi kontoanut:

Reg. nr. 6471 kontonormu 1002608 akiliuteqarnermilu oqaasertaanut uku nalunaarutigineqasapput:

- Illit inuttut normut (Cpr.nr.)
- Akiliutit ukiumut aningaasarsiorfiusumut tunngasuunersoq: Ass. 2018
- § 5

Assersuutitut imatut immersorneqassaaq: 010101-0101 2017 §5

2020-imut skattekortissat december 2018-ip ingerlanerani tigunissaa naatsorsuutigisinnaavat.

Eqqortunik tunngaveqarluni siumoortumik nalunaarsuinerup ukiumi aningaasarsiorfiusumi 2020-imi eqqortunik akileraaruteqartinneqarnissat qulakkiisavaa.

www.aka.gl -ikkut aamma www.sullissivik.gl –ikkut siumoortumik nalunaarsuineq

Siumoortumik nalunaarsuiffimmut allannguutit/paasissutissalluunniit nutaat Akileraartarnermut Aqutsisoqarfiup nammineq-toortaalluni-aaqqiissutaa www.aka.gl-imiittoq imaluunniit NemID-eqaruit www.sullissivik.gl-imi imminut sullinneq aqutigalugit nalunaarutigineqarsinnaapput, taamatullu aamma taakku arlaat aqutigalugit siumoortumik nalunaarsuiffik nassiunneqarsimasoq akuerisinnaal-lugu.

www.aka.gl-imiittoq nammineq-toortaalluni-aaqqiineq atorniarukku inuttut normut aammalu nammineq-toortaalluni-isissutissaaq siumoortumik nalunaarsuiffiup saqqaani allassimasoq atorineqassapput.

2020-imut siumoortumik nalunaarsuinermi immersugassamik naqeriikkamik tigusaqarsimanngikkuit, Akileraartarnermut Aqutsisoqarfiimmut saaffiginnikkut pissarsiarisinnaavat, immersuiffissamilu tassani nammineq-toortaalluni-aaqqiinermi isissutissaaq allassimassaaq.

Paasissutissat annertunerusut www.aka.gl-imi alakkakkit.

Siumoortumik nalunaarsuiffimmik tunniussineq

Siumoortumik nalunaarsuiffiit Akileraartarnermut Aqutsisoqarfiimmut tunniussinnaavat. Tamanna ima pisinnaavoq:

- Allakkerivikkut nassiussinikkut
- Faxikkut
- E-mailikkut (immersugaq atsiugaq qarasaasiatigut assileriarlugu ilanngullugu nassiullugu) uunga: tax@nanoq.gl
- www.aka.gl -ikkut
- www.sullissivik.gl -ikkut